

S O C I A L

(Pa: Rosita Williams)

UN INDUSTRIA NOBO NA NOS ISLA

E publico en general ta cordialmente invita pa atende un exhibicion di Polyester y Plastic, productonan trahá pa e industria di Sr. G.C. van den Bosch na Pova Beach. E exhibicion lo dura di 10 a.m. - pa 9 p.m. dia 17 di April. Bin uno y tur pa presencia algo extraordinario na nos isla chikito "Aruba Progresiva."

SOCIEDAD BOLIVARIANA

Den un reunion Extra-ordinario teni diabierna anochi e directiva di Sociedad Bolivariana di Aruba a keda completá. E ta consisti awor di e siguiente personanan:

Presidente Jorge G. de Castro.
Vice-Presidente Hubert P. Ecury
Secretario Jose R. Vicioso
Sub-Secretario Milo J. Croes
Tesorero Alfredo Chemaly
Primer Vocal Otilio R. Davelaar
Segundo Vocal Luiz Leães
Vocalnan Suplente Dr. Willy H. de la Fuente y Marcelo Kock.
Consultor Juridico Hilbert W.J. van der Weide.

SUERTI PUSHI PRETU

E grupo Mascaruba ta trahando duro pa por introduci na e publico promer cu fin di Mei e comedia na papiamento jama "Suert'i Pushi Pretu", cual ta un traduccion di e obra na ingles "Easy Money" di Arnold Ridley, Sra. Maria Sschwengle ta a cargo di e traduccion di ingles pa papiamento.

E artistanan cu lo actua den e comedia ta: Maria Kock, Marianita Chong, Yvonne Tromp, Susana Gutierrez, Rosalia Koolman, Domi Tromp, Geechi Pieters, Jani Hoeverts, y Frans Meeuwis.

Dia 10 di April Mascaruba lo celebra su di 3 aña di existencia. "Stichting Teatro Arubano" a entrega na Bestuurscollege, e plan



Aunke un poco leu di Aruba tog nos kier a manda un felicitacion especial pa srta. Burny Every kende lo haci aña dia 24 p.v.

"Teatro Ser'i Noka".

Sr. J. G. van der Bergh cu cooperacion di Sr. Piet Eelvelt a traha e schets di e teatro aki. E secretario di Stichting Teatro Arubano lo tene un reunion na su cas diasabra venidero en coneccion cu e formacion di un grupo na San Nicolas, cu lo bin trece comediantan na ingles.

NOTA DI DUELE

Lucila P. Marchena, 24 aña di edad a fallece dialuna 13 di April pa mas o menos 10 pa 11 or di anochi. Mihor conoci como Lula el a traha na Aruba Comercial Bank den Wilhelminastraat. Lucila tabata miembra di e grupo comedial "Mascaruba", y di e "Grupo Teatral Arubano". El a bira masha conoci door di interpreta e papel principal den e comedia, "Maria di Ser'i Noka", cu a worde presenta na cabamento di aña pasa den e teatro aire libre na Seri Noka.

A fallece, Jossy Mansur, di un atake di curazon dia domingo anochi pa dia luna marduga, na

su cas na N. York. Un comerciante masha conoci na Aruba y director di Aruba Motors. E tabata casa cu Diana Mansur-Sadaka. Entierro lo tuma lugar na Aruba cu tera natal. Sr. Jossy Mansur tabata un fiel lezador di nos semanario.

FELIZ CUMPLEAÑOS

Un cordial felicitacion ta bai na e siguiente personanan cu den e dianan venidero lo celebra un aña mas di feliz existencia. Nos ta desea nan hopi felicidad y prosperidad cu nan sernan kerí.

Dia 18 di April: Ruben Mansur, Apolonio Werleman Jan Hendrik Croes y Jan van Heeswijk.

Dia 19 di April: Helen Roos y Milo J. Croes.

Dia 20 di April: Hendrik Arends y Wim Scholl.

Dia 23 di April: Jacki Beaujon

Dia 24 di April: Erna Oehlers, Burny Every, Manuel Viana y Freddy Beaujon.

MATRIMONIO

Den e dianan venidero y na diferente distritonan tin algun pareha cu lo uni cu otro den e bida matrimonial. Nos ta tuma e oportunidad aki pa desea nan un feliz union cu otro y un bendicion di Dios.

Dia 27 di April: Candido Dijkhof y Franquelina Lampe. Joannes Kelly y Margot Lina Jansen.

Dia 27 di April: Francisco Loefstok y Carmelina Kock. Benicio Arnell y Alma Fortuno

Dia 29 di April: Jan Alonso Nu-boer y Esther Salomons.

DOKTERNAN DI WARDA

Na fin di e siman aki lo tin na warda pa San Nicolas, Savaneta, Santa Cruz, Dr. M.R.W.R. Berkenveld, tel. 5443, Orinocostraat 15, Essoville. Pa e distritonan Oranjestad y Noord: Dr. C. v.d. Bijl. tel. 1644 L.G. Smith Blvd 33.